

PLAN RADA SA POSLODAVCIMA ZA 2018. GODINU

Goražde, decembar 2017. godine

SADRŽAJ

1. Uvod.....	3
2. Proces rada sa poslodavcima.....	3
3. Usluge Službe prema poslodavcima.....	3
4. Komunikacija sa poslodavcima.....	3
4.1.Individualno informisanje i savjetovanje.....	4
4.2.Grupno informisanje.....	4
4.3.Samoinformisanje.....	4
4.4.Organizovanje zajedničkih događaja.....	4
5. Plan aktivnosti sa poslodavcima u 2018. godini.....	5

1. Uvod

Poslodavac, u smislu *Zakona o radu FBiH* („*Službene novine F BiH*“, broj 26/16) je fizičko ili pravno lice koje radniku daje posao na osnovu ugovora o radu.

Prema aktuelnom *Zakonu o posredovanju u zapošljavanju i socijalno materijalnoj sigurnosti nezaposlenih osoba*, poslodavci nisu dužni oglašavati potrebu za radnom snagom Službi za zapošljavanje. Iako ne postoji zakonska obaveza, u interesu Službe je poticati oglašavanje, posredovanje i sve druge oblike saradnje sa poslodavcima.

Kako bi se uspostavila što kvalitetnija saradnja sa poslodavcima, poslodavcu se moraju predočiti sve usluge koje može da dobije od J.U. „Služba za zapošljavanje BPK Goražde“.

2. Proces rada sa poslodavcima

Naša Služba ima izrazito dobru saradnju sa poslodavcima sa područja Bosansko-podrinjskog kantona Goražde. Tokom 2018. godine Služba će nastaviti dobru saradnju sa poslodavcima, kroz redovne kontakte sa poslodavcima, te nastojati ostvariti kontakt sa drugim poslodavcima koji nisu koristili usluge Službe, kao i sa novoregistriranim poslodavcima. U kontaktu sa poslodavcima, Služba će nastojati da im predoči usluge koje mogu dobiti od Službe, te na taj način poticati poslodavce da oglašavaju slobodna radna mjesta putem Službe. Na osnovu zahtjeva poslodavaca, te upućenih kandidata poslodavcu, Služba će također pratiti rezultate posredovanja.

Također će se raditi na poboljšanju baze podataka poslodavaca, koja će sadržavati osnovne podatke o poslodavcu i procjene njihovih potreba za zapošljavanje, te će se ista redovno ažurirati.

3. Usluge Službe prema poslodavcima

U kontaktu sa poslodavcima Služba će iste redovno informisati o uslugama koje im Služba nudi. Postoji nekoliko dobrih razloga, koje treba istaći, za korištenje Službe kada poslodavci zapošljavaju nove radnike:

- ✓ besplatne usluge,
- ✓ veliki broj nezaposlenih traži oglase u Službi,
- ✓ mogućnost kvalitetne selekcije potencijalnih kandidata prema iskazanoj potrebi poslodavca,
- ✓ oglasi se mogu objaviti na internetu,
- ✓ Služba može organizovati obuku za nadogradnju vještina kandidata,
- ✓ subvencije,
- ✓ pravna pomoć.

4. Komunikacija sa poslodavcima

Komunikacija sa poslodavcima će se ostvariti na četiri načina:

- ✓ individualno,
- ✓ grupno,
- ✓ samoinformisanjem putem alata koji im se stavljaju na raspolaganje,
- ✓ organizovanjem zajedničkih događaja.

4.1. Individualno informisanje i savjetovanje

Individualno informisanje obavljat će se direktnom posjetom poslodavca Službi ili posjetom predstavnika Službe poslodavcu, gdje će se poslodavcu prezentirati usluge koje se pružaju i ostvariti produktivna saradnja sa istim. Pored posjeta, poslodavci se kontaktiraju putem telefona ili e-maila, mada su ovi načini manje efikasni od direktnog kontakta.

4.2. Grupno informisanje

Ukoliko je cilj da se u kratkom vremenu informiše što veći broj poslodavaca, organizuju se grupna informisanja. Ova vrsta informisanja pretstavlja vrstu info-seminara za poslodavce, a primjenjuje se zbog velikog obima poslova koje Služba ima, ali i za stvaranje mreže partnera na tržištu rada. U grupna informisanja se mogu uključiti i drugi partneri sa tržišta rada, poput predstavnika Udruženja poslodavaca, Privredne komore, Obrtničke komore, Općine, obrazovnih institucija i dr., što predstavlja začetak razvoja lokalnog partnerstva.

4.3. Samoinformisanje

Oblik informisanja koji zahtjeva najmanje resursa od strane Službe je upućivanje poslodavca na samoinformisanje. Samoinformisanje se vrši putem portala Službe. Poslodavac na portalu Službe može direktno da izvrši objavu oglasa.

4.4. Organizovanje zajedničkih događaja

- ✓ Saradnja sa Udruženjem poslodavaca BPK Goražde
- ✓ pozvati poslodavce da učestvuju u obukama za nezaposlene osobe
- ✓ sajmovi zapošljavanja, karijerni sajmovi,
- ✓ konferencije, okrugli stolovi.

5. Plan aktivnosti sa poslodavcima u 2018. godini

U skladu sa prethodno navedenim, procesima rada sa poslodavcima, uslugama koje Služba pruža poslodavcima i komunikacijom koju ostvaruje sa istim, Služba će provoditi aktivnosti sa poslodavcima u cilju što kvalitetnije saradnje, kako je prikazano u slijedećoj tabeli:

Naziv aktivnosti	Šta želimo postići	Koliko poslodavca	Na koji način će se provesti aktivnost (Kako)	Gdje će se provesti aktivnost	Vrijeme realizacije (Kada)	Nositelj aktivnosti
Grupno informisanje poslodavaca o uslugama Službe	Poticati oglašavanje slobodnih radnih mjesta, posredovanje i sve druge oblike saradnje sa poslodavcima kako bi se uspostavila što kvalitetnija saradnja sa poslodavcima, u cilju zapošljavanja nezaposlenih osoba	20	Poslodavci će biti pismeno obavješteni/pozvani da prisustvuju grupnom informisanju, ali i posredstvom Udruženja poslodavaca i Obrtničke komore isti će biti obaviješteni. Informisanje će biti kroz prezentaciju.	U Službi Mobilni biro	Tokom godine	Stručni saradnik za aktivnu politiku zapošljavanja i posredovanje u zapošljavanju Stručni saradnik – savjetodavac za zapošljavanje – koordinator
Individualno informisanje i savjetovanje	Da identifikujemo potrebe poslodavaca i saznamo koji su planovi za angažovanjem novih radnika, da poslodavce upoznamo o tražiocima zaposlenja, da iste potičemo na oglašavanje, posredovanje i sve druge oblike saradnje, u cilju zapošljavanja nezaposlenih osoba	30	Posjetom kod poslodavca (saradnika za kadrovsku službu/saradnika za ljudske resurse) i dolaskom poslodavaca u Službu	Kod poslodavca U Službi Mobilni biro	Tokom godine	Direktor Stručni saradnik za aktivnu politiku zapošljavanja i posredovanje u zapošljavanju Stručni saradnik – savjetodavac za zapošljavanje – koordinator

Grupno informisanje poslodavaca o aktivnoj politici zapošljavanja Službe	Informisati poslodavce na vrijeme o mjerama aktivne politike, kako bi uzeli učešće u istim i zaposlili nezaposlene osobe	20	Poslodavci će biti pismeno obavješteni/pozvani da prisustvuju grupnom informisanju, ali i posredstvom Udruženja poslodavaca i Obrtničke komore isti će biti obavješteni. Informisanje će biti kroz prezentaciju.	U Službi Mobilni biro	Tokom godine	Stručni saradnik za aktivnu politiku zapošljavanja i posredovanje u zapošljavanju
Grupno informisanje poslodavaca o aktivnoj politici zapošljavanja Federalnog zavoda za zapošljavanje	Informisati poslodavce na vrijeme o mjerama aktivne politike, kako bi uzeli učešće u istim i zaposlili nezaposlene osobe	20	Poslodavci će biti pismeno obavješteni/pozvani da prisustvuju grupnom informisanju, ali i posredstvom Udruženja poslodavaca i Obrtničke komore isti će biti obavješteni. Informisanje će biti kroz prezentaciju.	U Službi Mobilni biro	Tokom godine	Stručni saradnik za aktivnu politiku zapošljavanja i posredovanje u zapošljavanju
Učestvovanje poslodavaca u obukama sa nezaposlenim osobama (Razgovor za posao)	Kroz simulaciju razgovora za posao (poslodavac-nezaposlena osoba) želimo postići da poslodavac unaprijedi vještinu vođenja intervjua	3	Pozivanjem nekog od poslodavaca da prisustvuje u Klubu za traženje posla radionici – Razgovor za posao	U Službi (Klub za traženje posla)	Tokom godine	Stručni saradnik – savjetodavac za zapošljavanje – koordinator Stručni saradnik – savjetodavac za zapošljavanje

Pravna pomoć poslodavcima	Da poslodavci dobiju pravu i blagovremenu informaciju o trenutno važećim propisima iz oblasti rada i zapošljavanja	10	Direktono u prostorijama Službe, putem telefonskih i drugih sredstava komunikacije ili, na službenoj stranici, te pisanim uputama ili instrukcijama	U Službi	Tokom godine	Stručni saradnik za normativno-pravne poslove Samostalni referent za materijalno - pravnu zaštitu nezaposlenih osoba
Uređivanje baze podataka poslodavaca	Na jednom mjestu imati pregled aktivnih poslodavaca sa područja BPK Goražde, sa kojima će Služba saradivati	150	Kontaktiranjem poslodavaca, te u saradnji sa Udruženjem poslodavaca, Obrtničkom komorom i općinama u sastavu kantona	U Službi	Tokom godine	Stručni saradnik za aktivnu politiku zapošljavanja i posredovanje u zapošljavanju Stručni saradnik – savjetodavac za zapošljavanje – koordinator

J.U. „Služba za zapošljavanje BPK Goražde“